

Ukushishiwa

Abahabere 10:10, “Ni ku kufwaya uku e ko twashishiwa mukuti Yesu Kristu atulile umubili Wakwe limo epela.”

Yohane 17:17-19, “Bashishisheni ku cine cenu: Icebo cenu e cine. Ifyo mwatumine ine njise pano isonde, efyo naine natuma aba baye pano isonde. Naine ndeishisha pa mulandu wa aba, ukuti nabo babe abashishiwa ku cine.”

Cena ni cinshi? Owe, Lesa afwaya ukupwililika. Ena afwaya ukulapila kwenu. Ena afwaya icumfwila cenu kuli Wene. Lelo Ena alelolekesha ilelo. Te mulandu ifyo mwa bembuka, mu bunono atemwa mu bwingi, imwe nalyo line mucili umubembu, kabili teti mwise mu nshila imbi kano muli Yesu Kristu, Ilambo ilya kwa Lesa ilya linga. Kabili muli Wene imwe mwali pwililika umuyayaya. Tontonkanyeni pali cena!

Cena te cintu cimo ico mucita. Te mabula yapya mupilibula. Te bumi bupya mutendeka. **Cena ku yebelela kwa cilubo cenu, kabili ukusenamina kwa kwa Lesa kuli imwe. Cilya cileta imwe ku kupwililika, kabili lyena imwe mulapwililika muli Yesu Kristu.**

Mwatila, “Munyina Branham, ilyo ningaleka ukupepa fwaka, ilyo ningaleka ukunwa, ilyo ningalungamika ici cintu, ndi no kucicita.” Owe, tacatale citwa umwalungama. Imwe ta mwakatale cicita cena. Cinshi teti mwishile fye umusango mubelelemo? **Kabili, ku citetekelo, kabiyeni kuli ulyo Mulonga,** ifipumo Fyenu ifilesuma fipela, lyena ukulubula kwa kutemwa kwaba ulwimbo lwenu, kabili lwa kulaba mpaka mukafwe.

Cinshi mulesendela ica kupyanisha? Cinshi mwesha ukwingilamo ukupitila mu lukuta lwenu? Cinshi mwesha ukwingilamo pa mulandu imwe mwalileka ukunwa atemwa ukuleka ukubepa? Iseni ukupitila mu nshila iya pwililika. *“Pantu ku cakuninika cimo Alenga abashishiwa babe abapwililika ukupwililika ukwa pe.” (Abahebere 10:14).*

“Musangonshi ninga shishiwa?” Tumbuleni imembu shenu mu Mulola wa Mulopa wakwa Yesu; kabili Ubumi ubo ubwishila ukufuma muli ulyo Mulopa, ubwekela kuli kapepa no kushisha Wene ukufuma mu kukabila kwa fintu fya mwi sonde. Pantu kuli lilye Lambo ilyalinga Ena natushisha ifwe; umo Umupashi, ifwe bonse twalibatishiwa mu Mubili umo *(1 Abena Korinti 12:13)*. *“E ico takuli nomba ukusekwa kuli abo abali muli Kristu Yesu, abashendela umwalola umubili, lelo Umupashi” (Abena Roma 8:1)*. Nga muleesha ukwendela mu Mupashi, kabili nalyo line uku kumbwa ifya mubili, Ilambo talilati libikwe bwino kuli iwe. Lelo kapepa ilyo asangulwa limo teti akuntwe umutima ku lubembu nakabili *(Abahebere 10:2)*.

Ilya yali ni Kalbale. Yena te ncende yakushitishako amaluba, atemwa incende inono ukucitilako ici atemwa cilya. Yali ni ncende uko Lesa no muntu ba wikishenye. Yali ni ncende uko umutende no kucingililwa ukwapwililika kwaletelwe ku mutundu wa bantunse. Bushe kuti waya naine muno bushiku, we cibusa wandi, ku Kalbale, kabili ku citetekelo bika uyu Mulopa ku mweo obe we mwine, no **kuleka Mupashi wa Mushilo ukwisa no shisha iwe kwi Lambo Lyakwe ilikalamba?** *(11 Tesalonika 2:13)*.

Nga kuliko icintu icili conse ico ningacita ukuilenga ne mwine ukuba uwapwililika mu Mulola wakwa Lesa, lyena Kristu talingile ukumfwila ine. Nga kuliko icintu cimo ico mwingacita ico icilangisha icisuma icili conse mu Mulola wakwa Lesa, lyena Kristu afwile apafye.

Takuli ukusunga amafunde, takuli amano aya mafunde ayenu, takuli nangu bu mushilo bwenu mwebene, **takuli ifintu ifyo mwingaleka ukucita:** ukuleka ukubepa, ukuleka ukwiba, ukuleka ukupepa fwaka, ukuleka ukuya ku filangisho fya bunkolanya, nalyo line mwali luba. Takuli nangu cimo icingacita cena. Ukuilunda ku ma chalichi, intambi, ifya kusefya, imbatisho, ifipope fya lukuta, ukubelenga kwa fisumino, ukusosa amapepo, fyonse filye fintu teti fipendwe ukuba cimo. Imwe mwaliluba. Takuli icintu nangu cimo mwingacita mwebene mweka, pantu muli mubembu abasekwa. Kabili takwaba inshila nangu imo muli imwe mwebene, atemwa icisumino nangu cimo, atemwa icintu icili conse ico imwe mwingacita, atemwa ukutontonkanya mwebene, ico icingalangisha icintu cimo icisuma mu Mulola wakwa Lesa, pantu muli mubembu icakwambilapo. [1]

Imwe tekuti, te mulandu ifyo mucita, imwe ukuleka ukunwa, ukuleka ukupepa fwaka, ukuleka ukubepa ubufi, ukuya ku chalici no kwesha ukucita ici no kwesha ukucita cilya, imwe mucili mu buntunse. **Yalya mafunde fye; amafunde tayalenga nangu cimo ukupwililika. Lelo ni cinshi icilengo ukupwililika? Kristu.** Ubukata. Ine kuti naleka ukubepa, ukuleka ukwiba, ukuleka ukucito bucende, ukuleka insuko ya mukanwa, kabili ukuleka fyonse ifintu fyandi, kabili nalyo line ndi mu buntunse. Lesa tapokelela cena, pa mulandu nshikwete nangu cimo icakupela Wene mu kukonsolwela.

Lelo miniti ilyo nabika indupi shandi pa mutwe uwapalwa wakwa Shikulu Yesu, no kusosa, “Shikulu, nshili musuma; bushe Imwe kuti mwansenda ngo mubomfi Wenu?” kabili Lesa alafumyapo ulubembu lwandi, **naiminina uwapwililika mu cinso cakwa Lesa.** Cilya cishinka. Cinshi? Nshileiminina pa busuma bwandi³ ne mwine; ndeiminina pa Bwakwe, **kabili Ena**

atulenga ukuba abapwililika ukupitila mu kucula Kwakwe no Mulopa Wakwe (Abahebere 10:14). [2]

“Pantu kwi lambo limo nalengwo ukupwililila... (Mpaka ukupuputulwa ukulekonkapo? Ni finshi ifyo ningasosa?)...alenga abashishiwa babe abapwililila ukupwililila ukwa pe” (Abahebere 6:1-2). Muleumfwa cena? “Natuleya ku kupwililila.”

Nomba, imwe mwe bantu ba holiness musosa, “Owe, ee, ifwe, twalicetekela mu mushilo. Aleluya, ifwe twalicetekela mu kushishiwa.” **Lelo imwe mulesenda ifyenu mwebene. Imwe muleka fye ici no kuleka cilya; imwe mwaliishiba ta mulingile ukucita cena. Kano fye Kristu aisula umwinshi, no kuleta cena ku mweo ku mutima wenu, kabili mulesa mukuba incende uko ulubembu lulafwa, no kukabila, konse kulaya... (Abahebere 10:1-2).** Lyena Ena alafumyapo ubulungami bwenu mwebene (*Abena Roma 10:1-4*), **Ena enga ipampamika Umwine muli imwe (Abena Kolose 2:6-7).** Kabili ni Kristu, Umwana wakwa Lesa muli imwe, isubilo lya bukata (*Abena Kolose 1:26-27*).

[3]

Imwe ta mupilibulwa mpaka mwapokelela Mupashi wa Mushilo (Luka 22:31-32). Cilya cishinka. Imwe mulecetekela mpaka...Mupashi wa Mushilo nalanda kuli imwe, kabili imwe pa cintu bwingi na mulumbula Wene. Kasebanya alikwata cimo cine. “Nalicetekela Wene ukuba Umwana wakwa Lesa.” Efyo nakasebanya acita. Lelo imwe muleenda ukulola kuli Wene. **Ilyo Petro aitolwe no kushishiwa pa kucetekela pali Shikulu Yesu Kristu...Kabili muli Yohane 17:17, Yesu ali bashishishe ukupitila mu Cebo, pantu Icebo cali Icine, kabili Ena ali Cebo. “Mukutendeka mwali Cebo, kabili Cebo cali na Lesa, kabili Cebo ali Lesa. Kabili Cebo alengelwe ubuntunse, no kwikala mukati kesu” (Yohane 1:1-3, 14).**

Ena ali Cebo, e ico Ena ashishisha bena. Ena atile, **“Tata (ukulanda ku Mupashi muli Wene), nalibashisha bena ukupitila mu Cebo.”** Umwine, ukubika indupi Shakwe pali bena. “Icebo Cenu e Cine.” Alandile fye Wene mu kumonekela mwi fumo lya mwanakashi. Owe, tacingacitwa umupwilapo kuli Wene ukuba inshila imbi iyashala ukucila ici Cebo cakwa Lesa ukulenga Wene ukumonekela. **“Nabashisha bena.”** [4]

Nomba, kwaba **fitatu mu kupwililika kwa ntampulo sha kusenamina ku lukuta: ukulungamikwa, ukushishiwa, ulubatisho lwa Mupashi wa Mushilo. Filya e fyabapo mu kufyalwa cipya cipya.** Kwati fye ukufyalwa kwa cifyalilwa kwapashaniwa kuli cena. Icili umwanakashi ulepapa akanya, icintu cakubalilapo icifuma menshi, umulopa, elyo umweo. Baibele itila muli 1 Yohane 5:7-8, ***“kwaba fitatu ifipela ubunte mu mulu, Taata, Icebo (uyo wali Umwana), na Mupashi wa Mushilo; ifi fitatu fyaba Cimo. Fyaba fitatu ifyo fipela ubunte mwi sonde: amenshi, umulopa, no mupashi-amenshi, umulopa, no mupashi; ifi fitatu fisumininshanya muli cimo.”***

Nomba, Tata, Mwana, na Mupashi wa Mushilo fyaba Umo. Imwe teti mukwate Tata ukwabulo kukwata Umwana, imwe teti mukwate Umwana ukwabula ukukwata Mupashi wa Mushilo. **Lelo kuti mwalungamikwa ukwabulo ukuba uwa shishiwa. Imwe kuti mwashishiwa ukwabulo ukuba uwaisushiwa na Mupashi wa Mushilo.** Atemwa kuti mwakwata amenshi ukwabulo Umulopa, kabili Umulopa ukwabulo Mupashi. Twalishininkisha cilya mu butantiko wa cifyalilwa. [5]

Kabili efyo caba na muciputulwa ca bumupashi. Caba menshi: ukulungamikwa ku citetekelo, ukucetekela pali Lesa, ukupokelela Wene nga
5
Kapususha wenu mwebene, na pa kubatishiwa

(Yohane 1:12-13; Imilimo ya Batumwa 2:37-41); ica cibili caba ukushishiwa kwa Mupashi, ukutila Lesa alasangulula umupashi ku fintu fyonse ifya mwi sonde kabili ne fya kukabili ifya mwi sonde; kabili lyena Mupashi wa Mushilo uleesamo no kupela ukufyalwa cipya cipya no kwisusha cilye cipe icashishiwa. [6]

Mu masihiwi yambi, umuntu esa ukupita mu kulungamikwa; ena alaya, atila “Ndecetekela ndefwaya ukushimikila Icebo.” Ena alapusushiwa; ena atile, “Nalinaka no lubembu.” Cisuma. Lyena ena alaya kunse, kabili icakubalilapo acili alapepa fwaka, kabili nalimo alakumbwa Atemwa icintu cimo. Panuma ya kashita ena atila, “Lesa, ici tacalinga ku Mwinakristu, makamaka kapyunga, ukulolekesha pa banakashi mu musango uwalubana, ukupepa fwaka,” Atemwa; “Ndanwa ubwalwa bwa kwangala na banandi, kabili nangula ulukuta lwandi, lelo tacimoneka icalungama. Nshisheni, Shikulu.” Kabili **lyena Shikulu ala mushisha wene, alafumyamo lulya ulunkumbwa lonse muli wene, ifintu fyonse. Lyena aba icipe icashishiwa.** Lyena ifyo Lesa apela kuli wene ciba ulubatisho lwa Mupashi wa Mushilo. Ukucita cilya, ena alingile ukufuma mwi bumba ena alimo (11 Abena Korinti 6:14-18). Kulya eko alangisha fintu aba; elyo alabwelelamo. Ni finshi ifyo acita ilyo abwelelamo? **Ena alanyantaula Umulopa wakwa Yesu Kristu uyo uwa mushishishe, kwati fye cali icintu icishasanguluka, uku kanaba uwalinga uku musenda kulya lubali.** Lyena tacingacitwa kuli ena ukupusushiwa. Kabili lyena ni finshi ifyo cena cili? Kano ukuluma kwa mulilo no bupingushi (Abahebere 10:26-29). [7]

Moneni ifyo caba icawama ici apa. Ifwe twalelanda pali cena ubushiku bumbi. Lolesheni pano, pano, “E ico pakuba⁶ abalungamikwa, abalungamikwa ku

citetekelo..." (Abena Roma 5:1-2). Cisuma, incende ya cibili, **panuma ya kusambwa** (Abena Efese 5:25-27), **ukushishiwa, elyo kabili ukwisushiwa na Mupashi wa Mushilo**. Ukulungamikwa, ukushishiwa, ulubatisho lwa Mupashi wa Mushilo. Mulemona ici? Imbila yakwe yali shani? Ukulungamikwa mu kuumfwa; **ukushishiwa ni cilya imwe mucita**; kabili mu kusumina kuli cilya mwacitile mukutotela pali cilya, **Lesa alimukakatike ku Mupashi wa mushilo** (Abena Efese 1:13-14). [8]

Ulya e musango Ena asendelamo imwe, ukupitila mu kulungamikwa, ukushishiwa, **no kufwa ku kupokelela Umweo** (Ameni.), te ku cilonganino atemwa ku cisumino cimo, **lelo ku kufwa ku mupashi wenu, pakutila mwinga fyalwa libili** (Yohane 12:24-25). [9]

Ici apa ico citusambilisha: **ukutla Lesa kuti abomfya icilundwa conse ca buntu bwesu nga capelwa kuli Wene**. Ena kuti abomfya amano yesu, ifiloto fyesu, kampingu wesu uwa mukati, kampingu wesu wa ntanshi, ululimi lwesu, inyimbo shesu, amenso yesu, ayesu...**ifintu fyonse ifyo twakwata kuti fyangomfiwa na Lesa nga fyangapelwa kuli Lesa**. Mwamona? Ifintu fyonse ifyo mwaba tuleni fyena kuli Lesa. Ena akabomfya akashila konse ne cilundwa cenu conse, Ena akabomfya cena. Te mulandu ifyo cena cili, **Ena akabomfya cena nga cakutla na cishishiwa kwi pange Lyakwe no bwite**. [10]

Imwe mwalibatishiwe ku kulapila, atemwa nangu, ku kulekelelwa kwa membu shenu (Imilimo ya Batumwa 2:38). Imwe mwali yebelela imembu shenu kuli Lesa, kabili Ena ali mibelelo luse pali cena. Kabili imwe mwali batishiwa ukulangisha ukutla mwalibelelwa uluse, ukulumbula ku bantu no kulangisha kwi sonde ukutla imwe mwalicetekela ukutla Yesu Kristu afwilile imwe, kabili Ena asendele icifulo cenu, kabili nomba namwiminina mucifulo

Cakwe. Ena aishileba imwepakutila mwingaba Wene. **Lyena amaka ayashisha aya kwa Lesa yalasangulula imisango yonse ibi mu bumi bwenu.** Imwe mwalepepa fwaka, ukunwa, ukucita ifintu ifyo ifishali ifyalungama, ukubepa ubufi, ifintu fyonse. **Elyo Amaka aya shisha aya Mulopa wakwa Yesu Kristu yalesa mu bumi bwenu; yalasenda ifintu fyonse ukufifumya kuli imwe** (*Abena Roma 15:16*). Nga mwalisosele, icintu cimo nacilubana, bwangu bwangu mukasosa, “Loleleni pali miniti; njeleleniko, nshacipilibula ukusosa cena ulya musango.” Mwamona? Ciwa nakwata iciteyo ukubikwa palya, **lelo na mukwata ukusenamina ukubwela nga muli Benakristu abacine,** mukasosa, “Nali lufyenye.” Eeh.

Nomba, **icintu cimbi mwapokelele cali ulubatisho lwa Mupashi wa Mushilo no Mulilo** (*1 Abena Korinti 12: 13; Mateo 3:11-12*). ^[11]

Iyi ni mbila yandi ku lukuta nomba. Imwe namwiminina, nga namwimina pa Cebo cakwa Lesa kabili ne cebo cakwa Lesa, ameni onse, konse akalitoni, konse akonono. Nipesa apo mwiminine? Ndeensha ukumweba: Fumeni kuli fyena ifikapa no **kwise kuno mungano uko mwingapishiwa ku kasuba.** Ndeumfwa ukwise kwa cakulobolwelako. **Imwe namwiminina abatuntulu, ukulungamikwa kwati tamwacitile cena icakubalilapo. Alleluya.** Ndetotela nganshi pali cilya ukucila icintu icili conse naishibapo. **Imwe muli uwasangululwa, uwa bulumba, Nabwinga uwabulo lubembu uwa Mwana wakwa Lesa uwa mweo.** Umwaume onse no mwanakashi abo aba fyalwa no **Mupashi wakwa Lesa, kabili balisambwa mu Mulopa wakwa Yesu Kristu, kabili balicetekela Icebo conse icakwa Lesa, mwaiminina kwati fye tamwatala bembukapo icakubalilapo. Muli abapwililika. Umulopa wakwa Yesu Kristu...**^[12]

Ilyo umuntu apokelela Kristu nga Kapususha wakwe, ifintu fyonse filaba pa mutenge wa ng'anda. Ifintu fyonse, ifyuni filemba mukwibela, kabili umuntu onse alaba umusuma. Kabili, owe, mwe, ifyo ifintu fyonse filaba ifyawama ilyo mwapusushiwe pakubala. **Lyena kwaishile inshita yakweshwa, ukufundwa, inshita yakushishiwa, ukwishisha mwebene ukufuma ku fintu fya mwisonde**, “Tube abafulile icifinine conse icalambatila kuli imwe” (*Abahebere 12:1-2*). Iwe, we mwaume, walilekele ukupepa fwaka, walilekele ukunwa, walilekele ukuya ku cipinda ca bwangalo, amalila yobe aya bushiku bonse. Fyonse filya ifintu, **Iwe wali ishishishe we mwine kuli fyena kucitetekelo mu Mulopa wakwa Yesu Kristu** (*Imilimo ya Batumwa 26:18*): **Ukuishisha we mwine**. Imwe mwe banakashi mwaishileleka umushishi wenu uku kula, ukulefya ama deleshi yenu, no kucita ukupusana ukucila ifyo mwali: **inshita ya kushishiwa**. Inshita ishingiki kuti basanguka no kubwelelamo: cisuma, ulya te mwana wakwa Lesa. Mwamona? Umwana wakwa Lesa alolekesha fye ukutonta ku Kalbale no kwishiba ukutula ca kubusuma bwakwe.

Ilyo uyu umwaume talaisa mu lubatisho lwa Mupashi wa Mushilo, uyu muntu, ena intanshi alingile uku kwata **ubutantiko ubwa kushishiwa**. **Alingile ukukwata inshita iya kweshiwa mu bumi bwakwe**. Imwe bonse mwali kukwete. Ena alikwete iyi nshita yakweshiwa. “Umwana onse uyo uwisa kuli Lesa, intanshi alingile ukufopaulwa, ukufundwa, ukufundwa. Kabili nga teti tushipikishe ukufundwa, lyena cilelangisha tatuli bana bakwa Lesa; ifwe tuli ba mucani, kabili te bana bwakwa Lesa,” Baibele itila (*Abehebere 12:4-11*). Lelo nga kuti twashipikisha ukufundwa, **Ukwishiba ukutula “Fyonse ifintu fibomba capamo ku busuma kuli abo abatemwa Lesa”** (*Abena Roma 8:28*), **lyena tuli bana baume na bana banakashi**

bakwa Lesa; Iyena Ena alatukakatika na Mupashi wa Mushilo mpaka ubushiku bwakulubuka kwesu (*Abena Efese 4:30*). Mwamona, kulya e kufundwa, ukutitikishiwa, icintu ico tupitamo. [13]

E ico kanshi, takwaba umulopa umbi uwingashisha abantu (*Abahebere 13:12*). Ine teti mushishe imwe, kabili imwe teti mushishe ine, pantu ifwe bonse twafyalilwe mu mukumana. Lelo Yesu afyelwe ukwabulo uku kumana. Cilya cishinka. **E ico Umulopa Wakwe wali ica Kushishishako. Kabili Lesa ali ikile, alengele umubili, aikele muli wene, asumishe ulyo Mulopa pa kushishiwa ukwa ici** (*Ukusokololola 1:5*), ico mucine cafumishe umulandu wa lubembu ne nsoni (*Abahebere 10:5-14*). [4]

Nomba, **ulutampulo ulwa kubalilapo caba ukulapila kuli Lesa, kabili Iyena panuma ya cilya, caba ulubatisho lwa mu menshi.** Ulubatisho lwa mu menshi: “Lapileni no kubatishiwa mwi Shina Iyakwa Yesu Kristu” (*Imilimo ya Batumwa 2:37-41*). Mwamona? **Ulubatisho lwa mu menshi lulakonkapo, lulangisha ukutila ukulapila kwali kwa cine cine, atemwa, ukulekelela imembu shesu ishakale.** Nomba, **cilya tacakwatapo icakucita no lubembu ulwa kuntanshi** (*Abena Galatia 6:1; 1Yohane 1:8-10; 1Yohane 2:1-2*). Lwena lufumyafye. “Lapileni no kubatishiwa mwi Shina Iyakwa Yesu Kristu.” Kuli cinshi? **Ukulekelelwa, ukufumyapo ulubembu ulwakale;** tacikwetepo icakucitapo ne cakuntanshi. Ulubembu fye lwenu na luputulwako, ifyo imwe mwacitile.

Imwe teti mulapile pa fintu Adamu acitile. Imwe tamwacitile cena; Adamu alicitile. Imwe mwakwata fye ukulekelelwa pa fintu mwacita. **Icifyalilwa cakale cicili palya.**

Uyu₀ apa umutima wa muntu, kabili uyu apa umutima wa muntu. Nomba, uyu uku lubali nakwata

insoka muli wene; lulya lubembu. Uyu nakwata ubumi bwakwe. **Uyu umbi uku lubali nakwata Inkunda muli wene, ico icili Mupashi wa Mushilo** (*Mateo 3:16-17*). Uyu nakwata umweo. Cisuma, uyu apa nakwata ububi, ulupato, akalumwa. Cilya e cilelenga cena: uyu muntu apa. Cisuma, uyu apa lubali nakwata ukutemwa, no kusangalala, no kutekanya, kabili cilya e cicita pesamba apa.

Nomba, ilyo mwalelekelelwa imembu shenu, imwe mwacita fye ici, mwafumyapo cilya. **Lelo icintu icalengele imwe ukucicita cicili mulya. Cilya e mushila uwakale uwa bubi. Cena cicili mulya.**

Moneni, **lyena ica bubili kwisa ukushishiwa, uko ukubika amano yesu ukuteyanishiwa ku mushilo: ukutontonkanya bwino, ukufumyapo. “Ukushishiwa” caba lishiwi Iya Cihela ilya bupilibulo bubili ilyo ilipilibula “ukusabwa no kubikwa ku mbali ku mulimo”** (*Amapinda 23:7; Amalumbo 51:10-12*).

Nomba moneni, ukushishiwa, iciputulwa cacibili ica cena, cilasangulula amano, ukubika umutima, **amano ya mutima mu butantiko bwa mushilo.**

Umwaume kuti alapila kulubembu kabili ena acili aletontonkanya pali... Cisuma, nalimo ena mwaume uwabulalelale. Uuli onse umwanakashi umoneka uwabulalelale asanga; cena cicili mulya. Nalimo ena ni cakolwa. Inshita ili yonse anunsha ubwalwa; cena cicili mulya. Mwamona? **Lelo ilyo ena ashishiwa, cilya cilasangulula kulyo kukabila ukufumya muli wene.** Mwamona? **Cilafumyamo ukukabila ukwa cena** (*Abahebere 10:1-2*). Ena nalyo line kuti aeshiwa, lelo ena alafumyapo ukukabila kwa cena. Nalyo line talati abe uwalungama nomba. **Lyena alabatishiwa na Mupashi wa Mushilo no Mulilo** (*Mateo 3:11*), **ukusangululwa, ukocewa, uwa sambwa, kabili lyena ukubikwa mu mulimo wakwa Lesa. Ukushishiwa ku bika fye wene kumbali ku mulimo.**

Ulubatisho lwa Mulilo na Mupashi wa Mushilo pakutila Lesa engekala muli ifwe, no Mulilo wa kwa Lesa ulasangulula imitima yesu ukufuma ku lubembu no kubika Mupashi wa Mushilo mukati (*Imilimo ya Batumwa 2:1-4; 4:31*). Lyena tulaleta ubumi bumo bwine ubo ici cacitile, pa mulandu cilya cili muli ifwe.

[14]

Tontonkanyeni, ifyakufwala fyenu ukusambwa na Menshi ya Cebo icilesuma (*Abena Efese 5:25-27*). Icebo caishileba Umulopa. Icebo casumishe umulopa pa mulandu wa imwe, kabili imwe musambwa mu Cebo icilesuma umulopa (*Yohane 1:1-3, 14*). Icebo ukusumo mulopa, Umweo wakwa Lesa mu Cebo, kabili Icebo casumine pa mulandu wa imwe, pakutila mwingasambwa ku fyakowela ifya aba bacilende kabili no kusangululwa no kushishiwa ku musambilo wa Menshi ku Cebo cilya cilenga amano yenu no mutima ukwikala pali Lesa na pa Cebo Cakwe. [12]

Kasesema wa kwa Lesa uwa bushiku bwesu asosele mwipepo:

Shikulu, mu Lubuuto lwa Cebo Cenu, ndeeba umuntu uuli onse uyo ushilati abatishiwe mwi Shina lyakwa Shikulu Yesu Kristu ukwisa ku menshi ulubilo ilyo mukwete ishuko. Imwe mwebashaisushiwa na Mupashi wa Mushilo, nde mweba mwi Shina lyakwa Shikulu Yesu Kristu; fukameni pa makufi yenu kabili mwiima mpaka Mupashi wa Mushilo wa Mushilo amushisha imwe umupwilapo (*1 Abena Tesalonika 5:23-24*) no kwisusha imwe no kutemwa kwakwe no busuma mpaka umweo wenu uli uwaikushiwa nganshi mu Mulola wakwa Lesa icakutila ukukabila kwenu konse kwaba ukubombela Wene no kwendela Wene no kubomba na Wene ubumi bwenu bonse. Peleni ici, ndepepa, ukutila Lesa ali nokupela imwe uyu mulimo, mwi Shina lyakwa Yesu Kristu (*11 Abena Korinti 7:1*). [15]

Shifwe uwa mu mulu, ifwe twakontama mu Mulola Wenu mu kwimininako balya pa cipailo. Leken i ukusenamina kwenu kube pali cila umo uwa bena, Taata. Ine teti mbacitile cena. Bena balingile ukucicita abene. Takuli umuntu uwingabacitilako cena bena. Bena balingile ukucicita beka. Leken i imyeo yabo nomb a isose mu bene beka, “Owe Lesa, ici cipyu, ndebika cena apa Shikulu; nshakatale cisenda. Te mulandu icekesa atemwa ukuya, **ine ndi no kucilekelako ukufuma nomb a no kutwalilila.** Ulu lulimi lwandi ulwabipa ulwa anguka ukusenda imbali ne bumba lya lwambo, Shikulu, ndelubika panshi apa. Ine nshakatale lusenda lwena nakabili. **Shisheni ululimi lwandi, Shikulu. Leken i ng’umfwe ba Malaika ukulaisa ngefyo Esaya acitile ilyo asosele, ‘Ndi uwakowela imilomo. Kalanda kuli ine.’** Kabili Malaika aliishile, asendele ikala, no kuya pa cipailo, asendele imisolilo ya mulilo, no kubika yena pa milomo yakwe, no kushisha yena.” Lesa, shisheni ulanda uuli onse uyo ulanda ifyalubana no kutanda ulubuli. Peleni ici, Shikulu. [16]

Ukumona imililo ya kupuputulwa yatendeke ukulashima, leken i tuposelepo inkuni sha Cebo, pakutila shingambusha umulilo uupya, pakutila imitima yesu ibe iyaisulamo ukupimpa. **Tusangululeni, Shikulu, ukupitilila mu Cebo cenu icawamisha, no Mulopa Wenu, no kusenamina Kwenu ifwe tulepapata;** kabili ukutotela konse na malumbo fili no kuba Fyenu. Fumyeni icilumba conse ukufuma mu mitima yesu; tusangululeni, owe Shikulu! Tupeni imitima iyanguluka, na maboko aya sangululwa, na mano ayangululwa, pakutila twingesa mu mansa Yenu, ukusangalala no kwisushiwa no Mupashi Wenu. Twalombela ifi mwi Shina lya kwa Yesu na pa mulandu Wakwe. Amen i. [17]

Umwakumona:

13

[1] “Ukupwililika” (57-0419), par. 77-83, 30

- [2] “Abahebere Icipandwa ca 7 Part 2” (57-0922),
par. 366
- [3] “Abahebere Icipandwa ca 5 na 6” (57-0908M),
par. 128
- [4] “Ico Mupashi wa Mushilo Wapelelwe” (59-
1217), par. 54-85
- [5] “Ulubuto Talwaba Nabupyani Pamo Ne Cikapa”
(65-0218), par. 49-50
- [6] “Ukukalipwa Kwa Pakupapa” (65-0124), par. 49
- [7] “Amasuko na Mepusho” (61-1015M), par. 79
- [8] “Ukusokolola Icipandwa ca 4 na part 3, Icipuna
ca Luse” (61-0108), par.211
- [9] “Ukufumyapo Ukutitikishiwa” (62-0513E),
par. 124
- [10] “Ifyabupe Fyakwa Lesa Lyonse Fisanga Incende
ya Fyena” (63-1222), par.41
- [11] “Ifintu Ifili No Kubapo” (65-1205), par. 63-64
- [12] “Ukwapana Kwa Mubufinsolo Ukwa kwa
Nabwinga wa Kristu” (65-1125), par. 263-
265, 274
- [13] “Ayabapo Lyonse Amenshi Ukufuma Ku
Cilibwe” (61-0723M), par. 67-68
- [14] “Umunshi wa Kuntanshi” (64-0802), par. 87-
92, 95-98
- [15] “Icikakatikilo Ica Cibili” (63-0319), Seals
Book pg.226
- [16] “Imipashi ya Kubeleleka” (55-0724), par. 147
- [17] “Ni Cinshi Mupashi wa Mushilo” (59-1216),
par. 17